



○白雪樓

荒草深埋一代文蔡姬典盡舊羅裙可憐天半峨眉雪空自顏樓冷暮雲

李于鱗白雪樓舊有二處其初至林下卜地鮑山則諸名公往來登觴題咏最盛者末年又築樓於城中湖上碧霞宮之側許殿卿贈詩所謂湖上樓是也今皆凋落不堪士人不忍因於第  
一泉間另起傑閣要之非實于鱗身後不但堂

齊音  
二五  
構失守并禋祀絕續我朝文人天福之薄未有甚此者蔡姬乃其侍兒之最慧者不減蘇老朝雲至癸卯年已七十餘尚存在西郊賣餅余聞之急往視則頽然老醜耳因為泣下周焉

○雨望

齊城宜向雨中看萬室炊烟晚意寒須是米顛親  
快墨他人皴法便枯乾

晴日北門登眺趣勝於他處至雨朝則不及西

南二樓可以北望烟渚南眺隱岫乍有乍無氣  
氤萬狀夏日偶爾膏雨一臨始悔坐簷底聽零  
鈴也

○晴望

初聞水面燕呢喃雲盡西風龍入潭睡起推窓延  
爽氣天邊添出幾峰巒

馬耳鹿角青童玉符白雲諸峯嵌空補缺連在  
天末惟晴後盡二盡出點青抹翠不移時便隱

沒矣非閒人不得攬結此妙

○元宵

喜看穉子放河燈獅石圍欄士女凭闌髻高裙京  
樣盡此宵又着白松綾

郡城舊俗樸衣製草野近乃漸靡趨步京師惟  
恐不肖元宵婦女必着松綾則燕京時尚也惜  
濟民苦為效顰京師此服最為不吉白兵象也  
綾凌也婦人着之又陰厲也况上元初春盛德

在木正宜隨木色尚青願乃從金尚白以殺伐  
之義傷長養之仁識微君子胡不致謹於斯

○踏青

三月踏青下院來春衫濶袖應時裁折花都隔山  
前雨直到黃昏未得回

三月士女競出城南下院踏青山南花放最盛  
攀躋過山折取擷盈懷袖猶是太平光景凶歲  
豈可復覩余謂一年景色無如三月朱明則爛

燠近敗早春又羞澁畏寒重陽有霜露之悲賞  
雪有寒士之惻惟三月四美具矣知花事者其  
可輕擲此日

○端陽

長絲艾席飲流蒲夾岸榴花悅彼姝一自田文專  
國政家三此日望懸弧

城東北標山下舊有田文廟文以五日生欲棄  
之未果後竟貴顯齊俗今反以五日生子為大  
慶婦女泛舟謁廟祈嗣者衆矣

○中元

高僧大會盂蘭盆 殿下親臨廣智門施食連平  
增幾萬陰風燈滅哭饑魂

德藩於孟秋之望建盂蘭大會招僧誦經放施  
食乙卯丙辰戲殪流離填壑滿道鬼飯應不飽  
也遙聞鐘鼓惻然有作

○登高

齊音  
登高須上大佛頭紅樹黃花急暮流佛慧寺傍看  
石壁試茶幾代有題留

城南大佛峯下開元寺舊名佛慧寺石龕傍鑄  
宋崇寧大觀政和間守令僚屬俱於春日勸耕  
至此以甘露泉試北苑茶題咏極多今崖壁崩  
墮字尚可譯往齊俗于此以泉試茶亦江北雅  
會也余於四月陟巖問茶秣根無復存者因思  
往代守令猶有勸耕之行以憇此為常故種茶  
備飲今世絕不知勸耕為何事田間有數年不  
覩五馬者安用茶為嘆曰民饑而官渴時為之  
哉

○東麥

大麥乾枯小麥黃詫聞二月捕飛蝗休言北地惟  
宜麩南客翻來糶硬糧

齊城舊語謂南柴北菜東麥西米以城中食麥  
仰給于東三府也卯辰之歲天降喪亂自二月

已困蝗蝻而二麥盡矣北地專以麥為生今歲  
反自南至東俗稱麥為硬糧一麥可敵三穀

○西米

蒲包粳米自江船小脚張秋百當千官價買將三  
四折斗行逃盡丙辰年

北方鮮稱而省會官衙需之甚急張秋去濟三百  
里而遙輓輸則三十致一再困以衙狐市蠹斗  
行陪累與歲為殉耳至於連歲賑米與平糶之  
米乃又費而不惠賑米則保約與其親厚視為  
家厨而饑民死糶米則衙役與土豪視為奇貨  
而墨吏歡賑而無賑平而不平米耶米耶爾何  
讐視窮民之腹睚就奸富之廩耶

○南柴

山川滌々鮮秣科短草枯蒿不用柯莫問東柴如  
藝桂但聽野哭當樵歌

齊城柴素貴至丙辰山寇生發斧斤不敢躡入

齊音  
民益苦之乃官衙暴殄甚至以木炭炊爨若見  
新菜諸縣行戶上納之苦一黑炭一白骨也柰  
何狼戾視之

○北菜

常年二月獻王瓜錯落朱盤碧玉芽旱後千畦如  
刮板葫蘆五月未開花

城北水洳之地盡劃作畦以供官民食用丙辰  
苦旱饑民伺草芽而啖嚼無餘豈復得新菜之

美酸子至濟旣無食肉齒舌專仰菜根以給  
惟此苦菜不熟曰饑余遜饑而得饑其何利焉

○娶婦

團花轎子繡幃長十對紗燈照綵床鼓裏敲成小  
得勝笛中吹出賀新郎

齊俗近已改不親迎之陋而女家計聘男家計  
答專以財之厚薄為喜愠娶日必盛張樂奏濟  
民之僭越多矣小得勝賀新郎皆實錄也



○鬻女

委巷低門立小鬟青衫豎草憐愁顏慣收瘦馬臨  
清客鬢髮成雲又賣還

濟城民貧素有鬻女之俗至乙卯丙辰之災排  
門豎草覩面求售甚為不雅臨清客子每至則  
鮮衣盛從一人而收羅數百畜以射利今日死  
別生離異時清歌妙舞人心其忍天意何若

○鋪衙

車載騾駝送舊爺花闌催票又鋪衙帽鬚怒交  
填巷借遍行頭八十家

城中官衙最多徃來迎送鋪設若累極矣夫器  
用供帳一有不備本非奉上之體乃官上或遷  
去或斥去則席卷環舉地幾無皮似亦非上之  
所以為情也行戶倉皇催辦騷擾里甲又須煥  
然一新因而併命者不知幾何人矣嗟三宦遊  
歸里開筵設宴傳觴弄犖一何豪侈可曾回首

有輪還人在暗中不覺

○試期

三年聘考試場開巨網截流海岱才萬戶千門排  
寓所家：紅紙寫元魁

濟城水居其半官衙居其半士子應試凡三四  
千人計僕從并親友送場者則數萬矣寓所寂  
少儻直甚費然英俊雲集亦盛世景象

○官衙與皂

開衙十二百餘官與皂喧闐醜酒飲五葉紙牌訂  
舊譜雙戈襍九與闌干

郡城游民駢集專恃應役官衙糊口錢一入手  
便醜酒叫呼尋簷傍隙賭博耗費田家作若展  
轉溝壑者視此又為天上人矣雙戈等皆紙牌  
俗譜

○官舫

山靈其或不佑

○聞韶館

太師抱器度關山六代遺音竟不還  
女樂入來天樂散九歌零落到人間

館在城中湖上而城北又有聞韶臺  
歷上在春秋非齊君所居抑太師至齊奏韶亦野合耳大舜發跡於歷山其子孫田氏終有其地并其製樂亦歸集於此不謂冥之無意也

○方山石鏡

山魃木魅并川狐石鏡瑩々當禹圖塗漆縱能渡  
法照豈防山下有明湖

城南方山上有石數尺照見鬼魅往來形狀歷  
歷如畫鬼子惡其見已也一夜用漆塗之余觀  
之咲曰愚鬼簞弄藏奸能瞞上不能瞞下難將  
一人手掩得天下目愚鬼過用其心矣

○海石鉄鎖

海石飛來不記年遠遷應怯祖龍鞭不然熬瓜輕  
搔臂吹落麩皮短鬣連

歷山石上有鉄鎖長數丈俗謂海神鎖山者山  
飛并掣斷鎖來余謂神不若是蠢海上萬山豈  
愛此卷石此不過熬魚臭搔臂振落而鉄鎖則其  
項腦間短鬣耳

○瞽女池

泉光不是照蛾眉可恨蘇公未有詩三見龍駒涉

水出合應改號渥窪池

宋士人劉廷式聘女而瞽竟娶之情好不異其女克家庭下得泉成池瞽女凡三飲其泉而三得生男人以為劉之重義所感其後瞽女亡劉哭之哀蘇長公在濟謂劉曰吾聞哀生於情此何情何哀劉曰吾知喪吾妻而已余偶遊池上見其池久已智塞慕劉公之高義而恨蘇老之

失言

○迴車澗

惟觀一咲惹烽烟卻帥兵車滿灤川逐北三周華不注至今草樹尚連騫

澗在城北華山下蓋當日卻至追逐齊侯處也戰鞏而及此已數十里矣其憤怒尚如此猛烈蕭叔同子實惟興戒當敗衄獨無愧耶至今澗草俱連騫蔓生如旋螺俗云兵車繞匝所致亦誕矣

○太平寺泉

孝感中原幾處泉都能迸玉照清漣誰知香積盂中水猶是劉郎一窖錢

太平寺孝感泉海內名孝感者多矣此在城內西寺滙而為池曲折流入僧厨復流出達于北渚泉乃元孝子劉琮故宅劉父久病盡賣其妻與幼女飼父貲竭更無所措夜乃焚香請代父死書牒坎地埋之遂得錢一窖出錢泉湧公飲之頓愈琮遂捨宅為寺以得金名孝感後方伯於申貯兵甲改今名

○鹽塲

可憐灤口困鹽塲上下抽單日月長從昔派鹽如派礦今年淡水煮飛蝗

江淮鹽塲公私兩利濟上於灤口設塲食地原隘舟道更艱抽單官吏澳獵其中按邑派鹽歲以為常餒及民髓迨乙卯丙辰窮民正須食鹽

以下草根木子頽又高直坐勒淡水煮蝗實錄  
也稔旣受塩之害侵又不得塩之利當事者可  
不長計哉

○妙真寨

巨合河邊問李全妙真營寨尚依然三分輕重歸  
誰是鎗號梨花二十年

宋末長白山寇李全者雄兵百萬據有全齊金  
元宋三國視其左右頽以為重輕皆其妖婦提  
妙真之所為及敗妙真乃曰梨花鎗二十年無  
敵於天下非戰之罪天也其子李顯忠歸元封  
公閹閹甚顯盖亦一世之雄哉余過龍山吊其  
遺寨而壯之

○石固寨

英雄熱眼察天時手割山河似畫脂豈料寄奴偷  
峴口連城七十倒旌旗

慕容德乘時取青齊而成霸業石固寨乃其故

齊音  
壘舊有德廟今廢劉裕潛度大峴塞五龍之口  
破廣固城濟南諸寨無所用之

○平陵東

因平陵城南山有宋末江立信碑故列於此

走馬交錢劫義公墓門梓桂日青葱何人漉血心中  
側牽犢潛歌松柏桐

平陵城南有王莽祖王伯墓漢元帝初元四年  
墓門梓桂突生枝葉上出屋剝向以為代漢之  
兆及篡漢丞相翟方進少子翟義時為濟守舉

兵不克見劫殺其門人作平陵東歌哀之辭云  
平陵東松柏桐不知何人劫義公劫義公在高  
堂下交錢百萬兩走馬兩走馬亦誠難顧見追  
吏心中惻心中惻血出漉歸告我家賣黃犢

○四靈石

龜龍麟鳳也無靈况是嶢嶢頑石形我取四人當  
四石奇男落地是天星

郡中有靈石四瓊瓏清古極天工之巧一在府



學一在布政司一在孟宅一在劉家亭蓋傳自勝國者余曰此何足奇吾以人為靈前代無論於宋取辛稼軒李易安於昭代取邊華泉李于鱗四君子者一生山輝川媚其為靈昭二也

○秀春院

金線泉西是樂司務頭不唱舊宮詞山坡羊帶寄生草揭調琵琶日莫時

西郊泉上秀春院設自勝國惡妓俚曲盡失古意採風者不無淫僻之虞

○瘦女

臨濟曾聞妬婦津宿瘤故贅點佳人往來不用多相妬箇二喉中積妬嗔

女之濱濟居者多瘦而妬婦津卽在臨濟凡女之美而渡必遭風險醜女雖盛粧以渡不妬也余謂瘦女非瘦學為妬耳妬人之美以致失己之美妬何益哉安得倉庾肉萬斤盡為濟女去

瘦

○北溪

一曲溪流一板橋  
浣衣石面汲泉瓢  
家：屋後停針女  
樹底橫舟手自搖

北地婦女見舟不知名  
呼為漂屋惟濟城：中  
橫溪：上架橋：下維舟家：屋後具得樂地  
雖釋子婦女有操舟之能  
殊詫見哉

○濟守

自古多名士  
每得風流太守來  
四野凋殘非  
往代七橋煙月為誰開

守濟者如唐之李邕  
宋之魯鞏  
混無咎  
元之趙孟頫  
皆風流蘊藉  
民享安富之福  
不然者  
虎翼猴冠  
辱我泉石

○閔子墓

古塚累累：滿廢壇  
先賢遺墓在斯  
于湖邊一望蘆花  
白霜透車衡  
孝子寒

城西五里有閔子墓昔人疑其誤然與舜田相望可彌孝里不必深辨也蘆花絮衣失靴遭謫千載而下猶堪斷腸

○逢丑父

賈勇何人枉自雄殘兵風捲各西東為憐丑父輕生者石上寒泉好勒功

齊晉戰于鞍齊師敗績三周華不注逢丑父與公易位使公如華泉取飲公逸去韓厥獻丑父卻子竟免之

○陳文子石室

灑涕吞聲西復東倉皇去國走悲風欲求一片澄清地除是君家蚓穴中

無宇棄厚封不與亂臣共國志高行潔千古可風然四方蹙三靡騁須是仲子之蚓而後可其後慕齊者仍是陳氏大夫崔子今出臣族其又何說

○黔婁子

千仞荒山手自芟草衣木食架松杉終南佳趣休  
矜詡不見先生疊石巘

黔婁子抱道深隱不事王侯不交人世於濟之  
東南山窮高峯上復疊石為巘寢處其中終年  
不下人亦不知其何所飲食齊威王每至敵兵  
困急則屏輿從徒步詣之先生授以一二秘語  
遂得解危國人莫測今其疊石巍然高山可仰

○鄒食其墓

說下田齊七十城高排熱鼎怨書生假王地下應  
相語辛苦當年渡木鬕

食其已說下齊而韓信不聽必欲以戰成功雖  
殺龍苴破重險然皆節外生枝耳一將功成萬  
骨為枯弓藏狗烹冤報萬一尚含怨耶墓在郡  
城西天懸寨之左

○恭毋峪

受粟辭金羨已高輕生何事比鴻毛後來相府留  
行者箇：人稱北郭騷

騷奉母隱濟之南山峪中常至數日不得食騷  
採附苗根以進晏子聞其賢躬微不起使人以  
金粟周之辭金受粟後母死晏子以讒出亡騷  
詣公庭曰賢相去國必侵騷見國之侵也不如  
死遂自刎齊返晏子而旌騷焉嗟夫自騷以死  
留國相成其高後世之以死報相府者踵相繼  
也相盡晏子其人盡騷也

○公玉帶

祖龍死後泰山荒相府圖書也未藏此老生泛石  
窟得爭如禪草是遺章

漢武封禪欲造明堂無人知其制濟南人公玉  
帶者獻圖極其詳明公歷山老樵也得圖于石  
窟中於時帝又得司馬相如所遺禪草遂成大  
典

○朱雲墓

狂士呼聲撼紫薇上方馬劔怒盤螭未央門檻成  
荒土墓草夕陽氣不移

雲本魯人從全節白子友學易因老死於此葬  
馬想其放廢之後再來偕隱耶墓在金節古城  
南十里草皆上指如劔佞人過之草必怒搖雖  
土人神其說理或然與

○白子友

手拈枯著授二生澄潭不及此翁清誰知折檻呼  
聲切只用先庚與後庚

漢時隱居東平陵南棠山石室躬耕奉母時或  
絕糧飲水食橡栗演易至精神為夜降朱雲與  
陳咸自魯來從之學易五年而出陳筮得先甲  
二語朱得先庚二語夷考其人不臣不仕其殆  
巢許之流也乎

○徐洪客讀書洞

慧眼先明一局初又知局外有扶餘道人名字留  
天地未必先生卽姓徐

洞在城東危山之陽深廣莫測史稱太山道士  
豈其故居耶大業時英雄并起惟洪客慧眼能  
包舉諸人卽李公子亦不過局中能手那能於  
局外着眼進而求之魯仲連司馬德操庶幾近  
焉

○雲莊

雲花堆就憶雲莊猶見雲來七聘堂一代高風差  
可擬蒼々山色水央々

元張學士文忠公養浩章在人僑居城北號雲  
莊七聘不起着雲莊集二十卷今有祠祭

○全節城

唐代斯城節獨全平陵平陸兩茫然珠英三教無  
遺藁寄問崔融與半千

龍山驛東古城周廻二十里或云古平陸魏改

東平陵皆無考至唐時因其不涉叛改名全節  
則有據者唐詩人崔員二公皆全節人皆諂事  
武后同與修三教珠英書今不傳因吊其故里  
問之

○李菱

仙家燒筍法存皮筍味酸甜好自知千畝綠筠皆  
大藥可憐吹束煮哀黎

宋濟南李菱寓臨安詣淨慈寺見青衣道人燒  
斷笋揖之道人曰子儼否可來同食燒笋甚美  
菱頓覺身輕行步如飛不復飲食入蜀仙去生  
于濟南之北水門元祐二年八月十九日也

○元陽子

金碧潛通蝌蚪文石函開自伏生墳名山更衍還  
丹錄不火竒香靜夜焚

晉長白山人元陽子得金碧潛通一書於伏生  
墓中細為註解携之脩真於華陽宮又衍為還



丹歌十九年而仙去在山人不見其飲食而晝  
夜燃香不用火味遠達於城市

○天倪子

多少人因皮袋芒不能輕快自徜徉道門豈看醫  
僧小洞府原同選佛場

天倪子泰山人本名張志純入道門數歲遂得  
真訣號崇真大師居於城南之長春觀升化之  
日乃自誦曰脫下娘生皮袋此際樂然輕快百  
尺竿頭進步蓬玄洞府去來前世宿得醫僧今  
作道門小才

○劉豫

金人南牧翠華迷劉豫么麼也帝齊不是蠟書行  
五間築城應到濮陽西

金人立偽齊劉豫稱帝於濟南詔其築城西連  
濮陽以備宋岳武穆以計間金人誅之夫宋之  
所以終失河北者張邦昌劉豫二賊之力居多

金人制宋機關得力處亦全在收用二賊齊為  
南北宵鬲豫賊又富強恨計誅之不早也

○關勝墓

關公熱血浥西原虜馬長驅入郿門安得重鞭劉  
豫骨一文同祭鄂王魂

金人兵薄濟南有勇將關勝者善用大刀屢陷  
虜陣及金人賄通劉豫許以帝齊豫誑勝出戰  
遂縛勝於西郊送虜營虜百計說之不降罵

見殺且自啖其睛示不為用其墓在城南渴馬  
崖西夫豫之殺勝與檜殺飛同一死忠而勝獨  
無祀余因為文以祭更表而出焉

○李易安

宋朝名跡此中稀剗水黔山感異時惟有女郎風  
雅在又隨兵舫泣江蘿

易安名清照濟南李格非之女嫁東平原趙明  
誠為妻明誠守淄清照積書數十萬卷金人南

下清照倉皇渡江書漸散失有漱玉集行世其  
父字文叔亦有文集四十卷今罕見想猶有存  
者宋代詞手卽秦七黃八未必能及惜其遭時  
坎坷未得成一代之書悲夫

○辛棄疾

萬里朝天夜聽猿羨芹十論復中原杜鵑啼血  
殷切只望江南老稼軒

辛幼安歷城人紹興末耿京據濟南幼安力

南歸會張安國殺京幼安縛安國戮之於靈巖  
寺遂南奔夜行晝伏孝宗召對決意恢復又作  
九議并羨芹十論上之竟見阻辛著杜鵑詞以勸  
動人心極其哀至宗忠簡公澤臨死呼渡河者三  
稼軒臨死以手北指大呼殺賊殺賊數聲而卒

○于欽

于欽昔日評山水直道濟南天下無樂口泛舟通  
索鎮更題詩在錦秋湖

元于欽著齊乘有詩云濟南山水天下無又奉  
其毋樞自灤口由小清河以達于新城之錦秋  
湖至索鎮乃舍舟而東此時小清舟道尚存欽  
青人也灤水故道由柳塘口下合巨合河繡江  
河乃至新城二北會於孝婦河又下會索鎮之  
烏河入海在國初猶然今淤廢矣倘此河復通  
則全齊百世無有饑患惜當事者不為地方任  
事舍美利而不收也惜哉

○遂閒亭

最愛君能得遂閒何人不老市朝間但從枕上聽  
流水絕勝車中望遠山

在府城西北張文忠公養浩所建公未老致政  
七聘不起閒處光陰所得獨多嗟夫有閒而不  
得遂者苦矣苦矣多少名園鎖空宅主人到老  
不曾歸仕不止車生耳僕二逐二為子孫牛馬  
卽或退居又且求田問舍東并西吞甚而鑽營

苟道以求復起白髮枯皮死而後已一何愚哉  
余曰其不得享閒福有三天不肯教他閒妻子  
不肯教他閒白樂天心吞身詩云世閒勞苦人  
何限不放君閒柰我何可見他自家也不肯教  
他閒

○鐵鉉

朔風吹雪撼天關江上屯兵久未還苦守孤城  
百戰燕師望作鐵圍山

燕師南下諸郡望風披靡而元帥李景隆等怯  
縮不進獨鉉能守全齊出奇無窮惜內有諛臣  
且天命攸歸是以終無拔焉

○平安

城頭畫布北人疑裂背追奔望覆旗五色龍成天  
子氣可知凡馬一時迷

安與鉉守濟成祖百計攻之不得城有破則  
以布太祖像懸之北師不敢用砲追安成祖

稍幾及身安馬一時眩瞽不能進安遂自斬其馬定鼎後伏誅追謚忠勇

○王烈婦

漢王甲馬渡清河灤口標山鐵寨多八十五城都拜迂濟南癡死是王娥

漢庶人高煦至標山下見汲水王婦有美姿執留寨中王婦夜刺煦不中見殺昔魏文帝破袁紹遂納袁熙妻甄氏終至失寵塘上行覘不知恥何如野婦猶存烈節信不可貴賤限人哉

○毛二巷

咸陽宮闕已成塵毛二鳩居可認真鬼哭城崩當六月幾時秋雨滅青燐

成化間藩封治王宮其西北隅為居民毛二宅應規入毛以死爭不受價竟自刎有司具奏王為惻然因缺宮城一角示儉且旌過云至今每六月一日則舉巷聞鬼哭不數日而墻必圮蓋

毛以是日死也匹夫癡鬼結冤不散余特以詩  
倡度之

○邊華泉

七子為詩本四家太常筆底盛烟霞華峰一柱誇  
難盡羣玉璘珣更滿車

我

朝風雅盛于七子而七子則本李何邊徐四家也  
濟上之詩以邊庭實先生為鼻祖其後李于

許殿凡谷少岱劉函山不可勝數濟南名士多  
從昔然矣

○李于鱗

元祐黨人碑屹二濟南詩禁訾冊二喉無鳩舌非  
佳士足有韓盧是好官

昔人詩禪並稱尚存大雅以今觀之詩社酷似  
宦途端禮門豎黨人之碑韓侂胄標偽學之禁  
談詩者拾蘇白餘唾矜握靈蛇罵于鱗先生為

倉為厲為門外漢此輩使生七子登壇時恐又  
咋舌而退且自恨其殼喉之不響矣

○穆桂陽深

風雨荒廬沙苑東名賢講席沒蒿中廿年不  
召  
悲聞鵬老母孤兒泣晚楓

銓即穆桂陽先生一代清正名臣以中旨放還  
講學于城西沙苑者二十年竟齎志以沒身後  
式者有叔教之嗟余死以女妻其遺孤更

為  
當仰止

○劉公嚴畫

烟霞供養此癯翁怪道生綃有化工不法臨淄兼  
北苑但憑濟水呈秋空

秋雨初霽競秀爭流與劉司徒公嚴登北極臺  
瞻眺余不禁叫絕幾欲乘風八極謂公嚴曰爾  
畫跨軼古入久秘的稿祇以錄本示人吾今乘  
高縱目乃畫得翻閱真譜獨恨難袖取耳



○咏畢感懷

蕭條衣馬倦遊地啼鳥聲中閱歲時過眼穠華風  
影散略憑指點寫新辭

大夫不得手劃天地名垂竹帛二毛漸生行且  
草木腐矣秋實萎落朝華誰采語之積喉間者  
有如腰鼓若非扯淡狂嚙何以度日生活頽貴  
人與得時之人少開文網勿成詩案

○問山

杜少陵笠屹立

閱古今真踞悲騷王

季木時敲石几激清音

天地之有齊州黜頓氏之國也齊州之有古今  
蟪蛄之春秋也齊州之有山川人物往來得失  
如夢幻泡影如露亦如電也古今之有問山亭  
蟻螻之醯醢也問山亭之移於嵒渚鳥鳥之三  
匝也余之吟於亭中草虫之嚶也



齊南百咏終 萬曆丙辰八月既望發刻於嵒橋



